

**Kalâtdlit nunane píngortitamik avdlángutsailiuineK pivdlugo landstingip inatsisâ nr. 11, 12.  
november 1980-imêrsoK**

**Kapitale I.**

*SujunertaK.*

**§ 1.** Landstingip inatsisâtigut matumûna anguniarneKapoK Kalâtdlit-nunâta nunatâta nunavdlo píssusiata pingârutraisa sapingisamik angnertunerpâmik igdlersorneKarnigssât.

*Stk. 2.* inatsisip pisínautitsivfê mákunúnga atorneKarnerúsáput:

1) nunap píssusîsa angnertunerussut pivfîtdlo avlat píssusertik sumissusertidlo píssutigalugo kíkúnutdlunit angnertûmik pingârutilgdit piginarneKardlutigdlo isumagineKarnigssânut.

2) nunap ilaisa, naussuisa ûmassuisalo kîsalo nunap sananeKautaisa píngortitamut túngassumik ilisimatussutsíkut tamatumúngalo atassumik atuartitsinermut túngatitdlugo angnertûmik soKutiginautigdlit piginarneKardlutigdlo isumagineKarnigssânut.

3) nunap ilaine ínugtaussut súngivfingme sussagssaKarniarneránut pingârutilingne angalaorsínaunerup uníngaveKarsínauneruvdlo periarfigssiuneKarnigssânut.

**Kapitale II.**

*ErKigsisimatisitsineK.*

**§ 2.** Nangminersorneruvdlutik oKartugssat Kalâtdlit-nunâne tamarme nunavdlunît ilaine aulajangersimassune naussunik ûmassunigdlo erKigsisimatisitagssángortitsisínáput.

*Stk. 2.* Nangminersorneruvdlutik oKartugssat áma erKigsisimatisitagssángortísíauvait nunap ilai nunamernitdlo inoKángitsut íkússuivfigilersâgkat umassutdlo piaráinik inigssivilersâgkat imalunit taimailiorfigineKarsimassut.

*Stk. 3.* ErKigsisimatisinerup sônera Kanordlo angnertutiginera pivdlugit maleruarKussanik ersserKingnerussunik nangminersorneruvdlutik oKartugssat aulajangersaisínáput.

**§ 3.** Maleruagagssiat §§ 4 - 9-mítut maligdlugit máku erKigsisimatisitagssángortitausínáput:

1) nunap ilai alutornássusertik inoKarfingnudlo Kanigtumânerdlo túngavigalugo inungnut tamanut asiartarfigtut pingâruteKartut.

2) nunap ilai sumívftidlo pigínarnigssât erKarsautigalugo imalunit ilisimatussutsip tássungalo atassumik ilíniartitsinerup tungânit issigalugit angnertûmik soKutiginauteKartut.

**§ 4.** § 3 maligdlugo avdlángutsailiuinigssaK pivdlugo landsstyrep sujuligtaissuanut suliagssángortitsisínáput  
angnertússusia sôneralo pivdlugit aulajangísssoKásaoK. áma  
aulajangerneKarsínauvóKavdlángutsailiuineK piviussúngortíniardlugo pigingnigtoK atuissordlunît imalunit kommune sussagssaKartoK sunikKa.

**§ 5.** AvdlángutsailiuinigssaK pivdlugo landsstyrep sujuligtaissuanut suliagssángortitsisínáput

landstinge, nálagauvfik, kommunalbestyrelse imalunit peKatigigfik imalunít sulivfeKarfik landsstyrep sujuligtaissuanit akuerssárneKarsimassoK.

*Stk. 2. landsstyrep sujuligtaissuata suliagssángortitaK itigartísíauvâ isumaKarune avdlángutsailiuinigssaK, ímaKa mänákûgatdlartoK, atulersíneKartariaKangitsoK.*

**§ 6.** Landsstyrep sujuligtaissa isumaKarune avdlángutsailiuinigssaK ilimanarsínaussoK, inungnik sulivfeKarfingnigdlunit avdlángutsailiuiniarnerup sujunertaisa tungaisigut pâsisimassaKardluartutut issigineKartariaKartunik pissariaKartitsineK nâpertordlugo oKauserKartitsísaok.

*Stk. 2. Landsstyrep sujuligtaJssua avdlángutsailiuinigssamik aulajangitínago Statstidende-kut Kalâtdlit nunänilo atuagagssiatiqut aulajangersimassumik sarKúmersartutiqut inuit ilisimatíneKásáput ãmalopigingnigtoK, atuissoK kommunelo agdlángutsailiugkap súnera angnertússusialo pivdlugit nalunaerfigineKásavdlutik.*

*Stk. 3. Nalunaerúme mingnerpâmik Káumatine 3-ne akerdlilíssutaujungnartunut taorsivigineKarnigssamigdlo piumassaKautaujungnartunut pivfigssalineKásaoK.*

*Stk. 4. Pivfigssamit stk. 2-me taineKartutut nalunaeruteKarfingmit avdlángutsailiuilernermut akornusisínauvdlunilunít ajornakusôrutigssínaussumik KanoK iliûseKartoKásángilaK.*

**§ 7.** Avdlángutsailiuinigssap pilerssârutigineKartup kinguneranik taorsívigineKarnigssamik piumassaKartoKángípat avdlángutsailiuinigssaK pivdlugo landsstyrep sujuligtaissa aulajangísaauvoK.

*Stk. 2. TaorsivigineKarnigssamik piumassaKartoKarpat suliagssaK landsstyremut sarKúmiúneKásaoK. taorsivigineKarnigssamik piumassaK landsstyrep akuerisínáungigpago landsstyrep sujuligtaissuata taortisiagssat KanoK agtiginigssânik aperKut inuk pineKartoK akerdlilerlugo erKartussissunut aulajangiviginiagagssángortísavâ, avdlángutsailiuinigssaK taimaitínarneKángigpat.*

**§ 8.** AvdlángutsailiuinigssaK imalunit avdlángutsailiuinigssamik itigartitsineK taimaititsinerdlunít aulajangínermit uvdlut 14-it Kângiútínagit tamanut nalunaerutigineKásaoK ãmalopilisiamut agtumássuteKartut § 6-ime taineKartutut periauseKardlune ilisimatíneKásavdlutik.

*Stk. 2. Landsstyrep sujuligtaissuata KanoK iliûsigssat avdlángutsailiuinigssap isumangnaerneKarnigssânut pissariaKartut nãmagsineKarnigssât isumagísavâ, ãma avdlángutsailiuineK inuínaup pigissânut túngassûgpat nalunaerssortísavâ.*

**§ 9.** Avdlángutsailiuinerrtik atorungnaersitsineK imalunít avdlángûteKartitsineK maleruagagssiav avdlángutsailiuinerup pilersitauneranut atusimassut maligdlugit písaoK.

*Stk. 2. Landsstyrep sujuligtaissuata, ímaKa pâsisimassaKardluartutut issigissariaKartut § 6-ime erKartorneKartut oKauseKarterérdlugit, avdlángutsailiuinigssamik aulajangersagkat saniorKuneKarnigssât akuersíssutigisínauvâ, tamána avdlángutsailiuinigssap sujunertânut ajoKutáungitsumik pisínaugpat.*

### Kapitale III.

*Pigissat navssâtdlo avdlángutsailiugkat ilisimatussutsíkut soKutiginautigdlit.*

**§ 10.** Nunap imalunit sermit Kalerígsue Kíssianik uníngassugdlit, saornit kísalo siláinaup ujarai angingâramik agssáinarmik nikisíne Karsínáungitsut Kanordlunit ilivdlugit ajo Kuserne Kásángitlat, avdlángortíne Kásanatik imalunít tamákerdlugit iláinakútítndlughtlunit nune Kásanatik.

**§ 11.** Núnerisitdlune nunap Kalerígsuanik taimáitumik imalunit siláinaup ujarânik taimáitumik navssârto Karpat suliaK navssâmut agtúmanermisut angertutigissumik unigtíne KásaoK. navssâK nunavta katerssugausivianut nalunaerutigine KásaoK, táussumalo piárnerâmik suliaringnigtoK nalunaerfigísavâ suliaK nangíne KarsínaunersoK, imalunít misigssuisso Karérserdlugo avdlángutsailiuinigssamigdlunít suliagssángortitsisso Karnigssânik aulajangíssso Karérserdlugo unigtíne KásanersoK. Nunavta katerssugausiviata aulajanginera landsstyrep sujuligtaissuanut aulajangivigissagssángortíne KarsínauvóK.

*Stk. 2.* Suliap unigtíne Karnerata kinguneranik nangminersortoK (inuínaK) kinalunit angertûmik ajunârute Karune taorsívígine Karnigssaminik piumassa KarsínauvóK. piumassarissaK nunavta katerssugausivianut taorsívígine KarnigssaK pivdlugo landsstyrep sujuligtaissuanut sar Kúmiússissugssamut sar Kúmiúne KásaoK.

**§ 12.** Nunavta katerssugausivia § 11 maligdlugit pissugssauv fingminik sulia Karnermine naussunik, ûmassunik augtitagssanigdlo pâsisimassa Kardluartutut issigine Kartaria Kartunik ikiortigssarsiúsaK, pissugssauvdlunilo navssânik túniúne Kartunik tigusinigssamut tor Kortaringningnigssamutdlo tâukua sumut inigssingne Karnigssânik aulajangînigssap tungânut.

**§ 13.** Navssânik nalunaerutigingnigtut túniússissutdlo kajumigsautigssíne Karnigssât pivdlugo aulajangersagkanik landsstyrep sujuligtaissua aulajangersaisínauvóK.

## Kapitale IV.

*Pilerisârutit asimitut.*

**§ 14.** Igdlo Karfigpalârtumik igdluliortiterfit avatâne ugsagsârutit isuma Katigssarsiordlunilo agdagarsissutit siláinarmititdlugit inigssíne Kar Kussáungitlat, inítigssarsiúmut imalunít sutdlivingmut pissamingnut atavdluínartumik inigssíne Karsimangigpata.

*Stk. 2.* Landsstyrep sujuligtaissua aulajangersagkamit matumânga avdlaussumik pine KartugssángortitsisínauvóK.

## Kapitale V.

*Nunap ilâ avdlángutsailiugagssaK.*

**§ 15.** Nunap ingmíkôrtuata Avangnâta Tunuvdlo ilâ nunap ilâtut avdlángutsailiugagssatut ínimigissagssángortitauvóK (nationalpark) nunap ilâta táussuma píssusivigissamisut ítuínarsínaunigssâ sujunertaralugo. nunap ilâta avdlángutsailiugagssap kujámut kigdlinga aulajangerne KarpoK tássautitdlugo titarneK Kap Biot-imít (Flemmings Fjord-ip avangnâne nûngajuk avdlorniussamit sanimukartumit avangnardlermit 72°-imit 10 km migss. kujasingnerussoK) kímut Ká Kap KingartâtigôrtoK tauvalo Stauning Alper kangiata sinâgôrdlune tatsit Holger Danskes Briller tungânut

avangnâtungâtigôrtoK, kímut Nordvestfjord-ip avangnamut sineriâne Stormpynt-imut, tássángânit Nordvestfjord-ip avangnamut sineriâ maligdlugo KeKertap Mågetuen-ip tungânut, tauva kangerdluk napivdlugo Renland-ilo avKusârdlugo Rypefjord-ip avangnâne sermimut tássángânitdlo Nunatakkerne kujarKuvdlugit sermerssuarne avdlorniussamut sanimukartumut avangnardlermut 71 -mut. titarneK kigdligssautitaK tássángânit ingerdlarKigpoK sermerssuaK avKusârdlugo Petermanns Gletscher-imut. ãma nunap ilânut avdlángutsailiugagssamut ilaussutut nautsorssuneKarpoK Kalâtdlit nunâta imartâta ilâ nunap ilâta taimailivdlugo kigdlilerneKartup avatânîtoK.

**§ 16.** Nunap ilâne avdlángutsailiugagssame iliûtsit píngortitamik avdlángortitsisínaussut sûtndlunît, tássa ãma autdlainiarneK, aulisarneK kisalo uvdlunik naussunigdlunît akornusersuineK sûgaluartordlunît, inerterKutáuput.

*Stk. 2. Landsstyrep sujuligtaissuata aulajangersarsínauvai maleruagagssiat ersserKingnerussut sujunertat § 15-ime taineKartut nãmagsineKarnigssânut túngassut, tamatumane nunap ilâne avdlángutsailiugagssame angatdláneK tássanínerdlo ilángutdlugit. tamatuma saniatigut stk. 1-ime maleruagagssianit avdlaussumik pineKartugssángortitsisínauvoK.*

## Kapitale VI.

*Avdlángutsailiuinerup súniutai.*

**§ 17.** Landsstyrep sujuligtaissua maleruagagssianik erKigsisimatitap nákutigineKarnigssânut isumagineKarnigssânutdlo túngassunik aulajangersaisínauvoK.

*Stk. 2. Landsstyrep sujuligtaissuata picingnigtoK atuissordlunît perKusínauvâ píssutsinik inatsisinik uniorKutitsissunik iluarsêrKuvdlugo. perKússut pivfigssautitatut aulajangerneKarsimassup Kângiutíngínerane nâlangneKângigpat suliagssaK suliarineKarsínauvoK picingnigtup imalunît atuissup akiligagssânik.*

**§ 18.** mianerssorKússúmik akilísitaunermigdlunit erKartuneKarsínauvoK kinalunît:

1) § 6, stk. 4., § 10, § 11, stk. 1., oKauseKatigit sujetidlit áipaitdlo, § 14, stk. 1 ãma § 16, stk. 1-imik uniorKutitsissoK.

2) atugagssautitanik inássutrigineKartunigdlunît § 4, § 9, stk. 2., § 11, stk. 1., oKauseKatigit áipait, § 14, stk. 2., § 16, stk. 2 ãma § 17, stk. 2 nâpertordlugin aulajangerne aulajangersarneKarsimassunik uniorKutitsissoK.

**§ 19.** MajorKutagssiane landstingip inatsisâ nâpertordlugo pilersíneKartune maleruagagssianik aulajangersaissoKarsínauvoK majorKutagssiane aulajangersaganik uniorKutitsinerit mianerssorKússúmik akilísitaunermigdlunît pitdlarneKarsínauneránut túngassunik.

## Kapitale VII.

*Aulajangersagkat atulersitsissussut ikârsârutaussutdlo.*

**§ 20.** Avdlángutsailiuinermik Kalâtdlit-nunânut inatsit nr. 266, 22. maj 1974-imérsoK maligdlugo Avanerssuarne Tunumilo Nationalparke pivdlugo Nalunaerut nr. 374 25. juni 1976-imérsoK

landstingip inatsisâ mána túngavigalugo avdlángûtit avdlángûtigalugit § 15, stk. 2 maligdlugo avdlángortíneKarnigssame tungânut atutisaoK.

*Stk. 2. Avdlángutsailiugagssángortitsinerit landstingip inatsisâ mána nâpertordlugo avdlángutsailiugagssángortitsinernit taorserneKágitsut atorungnaersitaunermik tungânut atûtísáput.*

*Stk. 3. maligtarissagssat píngortitamik avdlángutsailiuinigssamik inatsímik nalunaerúme nr. 520 1. oktober 1975-imérsume inatsisíkut nr. 219 24. maj 1978-imérsükut avdlángortíneKartume § 60 b najorKutaralugo nunanik avdlanik isumaKatigíssutinik piviussúngortitsinigssatut sujornatigut atulersíneKarsimassut atáinartíneKarpútaoK.*

**§ 21.** Inatsit atulerpoK 1. januar 1981, tamatumúngalo peKatigittdlugo Kalâtdlit-nunänut avdlángutsailiuinermik inatsit nr. 266 22. maj 1974-imérsoK atorungnaerpoK, aulajangersagartai landstingip inatsisâne uvane taorserneKartut erKarsautigalugit kísalo § 60 b stk. 2 pingortitap avdlángutsailugaunigssânik inatsímik nalunaerúme nr. 520, 1. oktober 1975-imérsumítóK Kalâtdlit-nunänut ministeriap Kalâtdlit-nunâne píngortitap avdlángutsailugaunigssânik nunanik avdlanik isumaKatigíssutinik piviussúngortitsiniarnerme aulajangersaissarnigssamut pisínautitauneranut túngassoK.

*Namminersornerullutik Oqartussat 12. november 1980.*

Jonathan Motzfeldt

/

Alibak Steenholdt

---

Naqqiut